



## **Булган аймгийн Бүрэгхангай суманд ОУИТБС-ын өдөрлөг зохион байгуулсан тухай тайлан**

2014 оны 9 дүгээр сарын 23-ны өдөр

ОУИТБС-ын ажлын алба Булган аймгийн Бүрэгхангай сумын ИТХ, ЗДТГ-тай хамтран 2014 оны 9 дүгээр сарын 23-ны өдөр ОУИТБС-ын өдөрлөгийг зохион байгуулав.

Өдөрлөгийн зорилго нь ОУИТБС-ыг орон нутагт хэрэгжүүлэх, салбар зөвлөлийн үйл ажиллагааг бэхжүүлэх, чадавхжуулах, орон нутгийн иргэдийг мэдээллээр хангах, төр, хувийн хэвшил, иргэний нийгмийн харилцан ойлголцол, хамтын ажиллагааг сайжруулах, тусгай зөвшөөрөл эзэмшигч, алт үйлдвэрлэгч компаниудын тайланг иргэдэд нээлттэй мэдээлэх, талууд нэгдсэн ойлголтод хүрэх, хамтын ажиллагааг бэхжүүлэх, сумын салбар зөвлөл байгуулахад оршиж байв.

Уулзалтад Улаанбаатар хотоос Авилгатай тэмцэх газар, Татварын ерөнхий газар, Стандарт хэмжилзүйн газар, Монголын Алт үйлдвэрлэгчдийн холбоо, Уул уурхайн үндэсний ассоциац, Монголын байгаль орчны иргэний зөвлөл, Иргэний Нийгмийн “ТАН” эвсэл, ОУИТБС-ын ажлын албаны зохицуулагч, санхүүгийн мэргэжилтэн бүхий 9 хүний бүрэлдэхүүнтэй баг оролцов.

Орон нутгаас Булган аймгийн ОУИТБС-ын дэд зөвлөлийг төлөөлж аймгийн ОУИТБС-ын дэд зөвлөлийн гишүүн, аймгийн МХГ-ын хэлтсийн мэргэжилтэн, геолог уул уурхайн хяналтын улсын байцаагч Наранцацралт, стандарт хэмжилзүйн хэлтсийн дарга Бүрэнтуяа, Булганы мэдээ сонин сэтгүүлч Норжмаа болон сумыг төлөөлж засаг дарга Бадам, ИТХ-ын дарга Загас, засаг даргын орлогч Баяр, багийн дарга нар, ИТХ-ын тэргүүлэгч, төлөөлөгчид, ЗДТГ-ын мэргэжилтнүүд, Өгөөжбаянхангай, Төсөлч, Хос Хас, Өрмөн-Уул, Фокус метал майнинг компаниудын удирдлага, харьяа уурхайнуудын дарга нар болон нутгийн иргэд, нийтдээ 95 хүн энэ арга хэмжээнд оролцлоо. Бүртгэлийг хавсаргав.

Хөтөлбөрийн дагуу өдөрлөгийн эхэнд ОУИТБС-ын ажлын албанаас санаачилгын хэрэгжилт, ач холбогдол, ОУИТБС-ын орон нутагт хэрэгжих шаардлага, хэрэгцээ, сургалт сурталчилгааны сэдвүүдээр танилцуулга хийв.

Удаагаар Татварын ерөнхий газрын улсын Д.Энхтуяа Засгийн газрын ОУИТБС-ын тайлагналын байдал, эрдэс баялагийн салбараас улсын болон орон нутгийн төсөвт төлж буй татвар, төлбөрүүдийн тухай, Авилгатай тэмцэх газрын урьдчилан сэргийлэх, соён гэгээрүүлэх хэлтсийн ажилтан, комиссар Г.Сарангэрэл авилгаас урьдчилан сэргийлэх үйл ажиллагаа, мэдээллийн ил тод байдлын тухай, Монголын алт үйлдвэрлэгчдийн холбооны ажлын албаны дарга С.Бүрэнтогтох алтны салбарын өнөөгийн байдал, цаашдын хандагын тухай, Байгаль орчины иргэний зөвлөлийн удирдах хорооны гишүүн Б.Батболд ОУИТБС-ын шинэ стандарт, шаардлага орон нутагт түлхүү ач холбогдол өгсөн баримт бичиг болох тухай тус тус танилцуулга хийсэн байна.

Булган аймгийн ОУИТБС-ын дэд зөвлөлийн үйл ажиллагааны тухай аймгийн стандарт хэмжилзүйн хэлтсийн дарга Бүрэнтуяа товч танилцуулж, харин Бүрэгхангай сумын түвшинд байгуулагдсан гэрээнүүдийн хэрэгжилт, хүлээн авсан орлого болон хандив дэмжлэгийн талаар

сумын засаг дарга, ИТХ-ын дарга нар ажил хариуцсан мэргэжилтнүүдийн хамт дэлгэрэнгүй танилцуулгыг хийв. Танилцуулгыг хавсаргав.

Өдөрлөгийн эцэст асуулт хариултын цагаар сонирхолтой харилцан яриа хэлэлцүүлэг өрнөсөн байна. Орон нутгаас үзүүлэх дарамт шахалт багассаныг компаниудын төлөөлөл онцолж байв. Орон нутгаас хүмүүс авч ажиллуулах явдал ихсэх хандлагатай байна. Шалгалт хийх нь зүйтэй боловч тэдгээрийг журамлах, шугам шугамаар ирдэгийг болиулж, бөөн болгох, жилд 2 удаа л шалгалт ирдэг баймаар байна. Мал өссөнөөр билчээрийн даацад уул уурхай гэхээсээ илүү мал өөрсдөө нөлөөлж байхыг хаана хаанаа анхаарах хэрэгтэй байна.

Өдөрлөгийн үеэр бүх оролцогч нар 2013-2014 онд хийгдсэн болон хийгдэж буй хөрөнгө оруулалтын тохижилтын ажлуудтай танилцсан байна.

Дараа нь Булган аймгийн Бүрэгхангай сумын ОУИТБС-ын салбар зөвлөлийн хурлыг зохион байгуулав. Сумын ИТХ-ын дарга Загас уг хурлыг удирдан зохион байгуулав. Хурлын гол зорилго нь 2014-2015 онд салбар зөвлөлөөс хийх ажлыг боловсруулах, аймгийн жишиг сум болоход хамтран ажиллах, Ажлын албатай уялдаа холбоотой ажиллах асуудлыг хэлэлцэв. Ажлын албанас 2014-2015 онд дараахь чиглэлээр ажиллах зүйтэй гэсэн асуудлыг танилцуулсан байна. Үүнд:

1. Оролцогч талуудад сургалт, семинар, хэлэлцүүлэг зохион байгуулах;
2. Орон нутгийн ОУИТБС-ын тайлан гаргах, хэвлэн нийтлэх, танилцуулах;
3. Мэдээллийн төв эсхүл самбар байгуулж, ажиллуулах;
4. Төсвийн ил тод байдал, шилэн дансны төслийг хэрэгжүүлэхэд холбогдох хэлтэстэй хамтран ажиллах;
5. Орон нутгийн хөгжлийн хэлэлцүүлэг, шийдвэр гаргахад оролцох, мэдээллээр хангах;
6. Жил бүр ажлаа төлөвлөн, төлөвлөгөө батлуулж ажиллах;
7. Орон нутагт ашигт малтмал, байгаль орчины тухай хуулиудыг хэрэгжүүлэхэд оролцох;
8. Орон нутгийн гэрээний биелэлт, хандив тусламжийн ашиглалтыг тайлагнаж байх
9. Үйл ажиллагаа, зорилтын талаар хэвлэмэл хуудас, материал хэвлүүлж, тараах;
10. Орон нутгийн олон талт хэлэлцүүлэг, чуулган зохион байгуулах;
11. Төв, орон нутгийн хэвлэл, мэдээллийн байгууллагуудтай хамтран ажиллах;

Уг өдрийн үйл явцыг ETV-ийн сэтгүүлчид бүрэн эхээр нь сурвалжлав. Мэдээ нь 9 дүгээр сарын 28-ны өдөр ETV-ийн 19 цагийн мэдээгээр цацагдсан болно.

### **Санхүүжилт, зардлын тухай**

Өдөрлөгийн баннер, оролцогчдын үдийн цайны зардал, УБ-аас оролцох төлөөлөгчдийн унаа, байрны зардлыг Ажлын албанаас санхүүжүүлсэн болно. Аймгаас болон бусад сумаас оролцсон төлөөлөгчдийн зардлыг Ажлын алба хариуцсан байна.

Тайлан бичсэн:

Ш..Цолмон

Санхүүгийн мэргэжилтэн

А.Отгонтунгалаг